



Tube umuryango utumanaho

Igitabo cy'amahugurwa y'ikoreshwa rya interineti kuri telefoni

Imfashanyigisho yo guhugura abantu ku gukoresha interineti kuri telefoni mu Rwanda





Isomo Iriburiri

rya 1- ro



Impinda y'ihungu



e

Jurwa

Iyi paji igenewe gufasha abahugura gusubiza ibibazo rusange abahugurwa bashobora kubaza ku ikoreshwa rya interineti kuri telefoni. Murasangaho ibisobanuro byoroshye ku bibazo abantu bakunze kwibaza kuri interineti. Byaba byiza ucapye iyi paji. Ingero zo kuri iyi paji kandi urazisanga mu masomo yo muri iki gitabo.

Ni iki?



Erekana urupapuro ruvuga kuri interineti (p86) maze ubabwire uti “Interineti ni isangano rya mudasobwa nyinshi zo ku isi yose zihujwe n’imironko ya telefoni, ibyogajuru cyangwa intsinga. Interineti igufasha kugera ku makuru na serivisi zitandukanye kandi ihora yaguka buri gihe. Interineti ni ya buri wese. Ntawe ubujijwe kuyikoresha. icyo ukeneye ni mudasobwa nini, intoya cyangwa telefoni igendanwa, ndetse n’umurongo wa interineti”.

Ikoreshwa iki?

“Interineti izagufasha gukora ibintu byinshi. Urugero ni uko ubasha kohereza ubutumwa no kuvugana n’inshuti n’umuryango, kohereza amafoto, kureba amashusho, kumva umuziki, kugura no kugurisha ibintu, kohereza no kwakira amafaranga, n’ibindi. Interineti igufasha kandi kubona amakuru ku bintu hafi ya byose wifuzaga, nk’amakuru, iteganyagihe, imyidagaduro, igihe ingendo zibera, iyobokamana, cyangwa imikino. Interineti kandi iragufasha igihe ukeneye akazi, inama ku buzima, cyangwa igihe wifuzaga kwiga ubumenyi bushya”.

Aha uhugura ashobora gutanga ingero bwite z’ibyo interineti yamufashije kugeraho. Izo ngero zigomba kuba zafasha uhugurwa mu buzima abayemo.

Ikora ite?

“Hari ubwoko 2 bwa telefoni zigendanwa ushobora gukoresha ngo ugere kuri interineti:




1. Telefoni zigezweho (smartphone): Izi ni nka mudasobwa ntoya. Uzikoresha ukora ku kirahuri cyazo aho gukanda za buto. Zifata amafoto, zigakina umuziki n’amashusho, kandi zikagira apulikasiyo zigufasha kugera kuri serivisi zitandukanye. byihuse.



2. 2. Telefoni zigendanwa zisanzwe: Izi zifite ubushobozi buke ugereranyije na smartphone. Ntizigira ikirahuri wakandaho igihe ukina umuziki cyangwa ufata amafoto. Kuri izi telefoni, ushobora gukoresha interineti unyuze kuri mushakisharubuga (browser).


Ikiguzi cya interineti



“Ushobora gukoresha interineti kuri telefoni igendanwa wifashishije umuyoboro wa interineti ugenewe telefoni cyangwa umuyoboro wa Wi-Fi”.

‘Erekana igishushanyo cya interineti’ (p.86)

“Ubundi kugirango ubashe gukoresha interineti kuri telefoni wifashisha umuyoboro wa telefoni yawe. Ibyo bigusaba kugura inite ku mucuruzi w’itumanaho cyangwa iduka ricuruzi ama inite. Bimwe mu byo ukora kuri interineti bishobora gutuma ukoresha inite nyinshi za murandasi, bityo ukishyura amafaranga menshi. Ibyo ni nko kureba amashusho cyangwa kumva umuziki”.



**Impapuro zicapye,
ibishushanyo
bikase n'impapuro
z'amakuru**


Amategeko y'isomo:

Aha hantu:



Haratekanye:

Amakuru yose areba iri hugurwa ni ibanga. Irinde guha abo muri kumwe mu itsinda imibare bwite yawe.



Ni rusange:

Aha hari abantu bafite amateka, ubumenyi n'ibitekerezo bitandukanye. Aha ni urubuga rusange, ubaha kandi ufashe buri wese.



Urubuga rufunguye:

Usabwe kurangwa no kubaha no gutanga ibitekerezo n'ibiganiro byubaka. Nta bisubizo byiza cyangwa bibi bihari kandi nturi mu ibazwa.



Hari ubutabera

Turakorera mu matsinda mato, aho turi bubahe amatelefoni. Turifuza guha buri wese amahirwe angana yo kumvwa no kwakuranwa mu gukoresha telefoni.

Inama zoroshye ku mutekano wo kuri interineti



**'Zitira' cyangwa
wirengagize abantu
utazi,
cyangwa bakubuza
amahoro**



**Komera ku makuru
bwite yawe**



**Bwira umuntu uzi kandi
wizeye niba wumva
ufite amakenga ku kintu
cyakubayeho cyangwa
wabonye**



**Rangwa
n'ikinyabupfura
no kubaha abandi**

Ibisobanuro by'amagambo

Abahugura bashobora kugira icyo bongera kuri iki gice cyerekeye ikoresha rya interineti kuri telefoni

2G / 3G / 4G

Igite uyikoresha, interineti ishobora kugenda ku mivuduko itandukanye. Interineti ya 2G niyo igenda gahoro cyane, 3G irihuta kurushaho, mu gihe 4G ariyo yihuta cyane.

App



App (Apulikasiyo) iguha inzira y'ubusamo ituma ugera kuri serivisi za interineti nka WhatsApp, YouTube, na Google ukoresheje telefoni yawe. Apps ziguha uburyo bwihuse kandi bworoshye bwo kugera kuri interineti ukabasha gukoresha izo serivisi.

Umwanya w'aderesi

www.india.in

Umwanya w'aderesi ukwereka urubuga uriho. Mu mwanya w'aderesi haba hariho aderesi y'urubuga. Urugero: www.google.rw

Ad (Kwamamaza)



Ad ni urusobe rw'amakuru agamije kugukangurira kugura ikintu. Biba byiza iyo udakanze kuri ayo matangazo.

- Ad ishobora kuba amashusho cyangwa amafoto agaragara kuri telefoni yawe.
- Ad kandi ishobora kuba aderesi ziri ku ruhande rw'iburyo hejuru y'ibisubizo bya Google.

Mushakisha-rubuga



Mushakisharubuga cyangwa browser ni igikoresho kifashishwa mu kugera ku mbuga. Muri mushakisharubuga zizwi cyane harimo:



Google Chrome



Mozilla Firefox



Opera



Microsoft Internet Explorer

Inite



Igihe cyose ukoresha interineti kuri telefoni yawe, uba ukoresha inite. Ushobora kugura inite za murandasi ku mucuruzi wa serivisi za telefoni, nk'uko ugura inite za telefoni.

Telefoni isanzwe:



Ni telefoni ifite ubushobozi bwo kugera kuri interineti, kubika no gukina umuziki ariko ikaba idafite ubushobozi buhanitse nk'ubwa smartphone.t



Ni serivisi ifasha mu gushaka amakuru kuri interineti.

Ibisobanuro by'amagambo

Abahugura bashobora kugira icyo bongera kuri iki gice cyerekeye ikoresha rya interineti kuri telefoni

Interineti



Ni isangano rya mudasobwa nyinshi zo ku isi yose zihujwe n'imirongo ya telefoni, ibyogajuru cyangwa intsinga. Interineti igufasha kugera ku makuru na serivisi zitandukanye kandi ihora yaguka buri gihe. Interineti ni iya buri wese. Ntawe ubujijwe kuyikoresha. Icyo ukeneye ni mudasobwa nini, intoya cyangwa telefoni igendanwa hamwe n'umurongo wa murandasi.

Muhuza:



Muhuza ituma uva ku rubuga ujya ku rundi. Kugirango ugere ku rundi rubuga, ukanda kuri muhuza igahita ikujyanayo.

Megabytes na Gigabytes

Megabytes (MB) na Gigabytes (GB) ni ibipimo bya inite za murandasi ukoresha icyo uri kuri interineti. GB imwe ihwanye na MB igihumbi. Iyo ukura cyangwa ukina indirimbo kuri interineti, ukoresha MB zikabakaba eshanu (ni ukuvuga hafi MB imwe ku munota).

Ishakisha



Ishakisha rigufasha kugera ku cyo ushaka. Wandika amagambo yerekeye icyo ushaka mu mwanya wagenewe gushakisha maze ukabona urutonde rw'ibisubizo.

Smart phone



Ni telefoni ifite ubushobozi bwo gukoresha interineti, kubika no gukina umuziki n'amashusho, no gukoresha app. Izi telefoni akenshi ziba zifite idirishya bakandaho (touchscreen).

You Tube

YouTube ni serivisi ya interineti yoroshya gushakisha, kureba no kumva amashusho ayega (yonyine) kuri interineti.

Urubuga rwa interineti

Amakuru kuri interineti abikwa ku mbuga za interineti zitandukanye. Hari imbuga za interineti nyinshi kandi zitandukanye. Urugero: Google ni urubuga, YouTube nayo ni urubuga.



WhatsApp


Ni serivisi ya interineti ifasha gusabana no gutumanaho n'abantu uzi nk'umuryango, inshuti n'abo mukorana cyangwa mwigana.

Agace ka WiFi




Ni ahantu udasabwa gukoresha inite zawe kugirango ubone interineti kuri telefoni yawe; ushobora kugera kuri interineti ku buntu. Uduce twa Wi-Fi tuboneka ahantu rusange hahurirwa n'abantu benshi nko mu tubari cyangwa urunywero rwa kawa.

Ubumenyi bw'ibanze kuri interineti



Ikiguzi cya interineti





YouTube

Google WhatsApp









CERTIFICATE

Has completed
BASIC MOBILE INTERNET SKILLS
training



Date

Signed



CERTIFICATE

Has completed
BASIC MOBILE INTERNET SKILLS
training



Date

Signed